

L E B H I T I C U S.

rugadh 'na Israelach còmhnuidh ann am pàillionaibh;

43 A chum as gu'm bi fios aig bhur ginealaich gu'n d'thug mise air cloinn Israeil còmhnuidh ghabhail ann am pàillionaibh, 'nuair a thug mi mach iad a tìr na h-Eiphit: Is mise an Tighearna bhur Dia.

44 Agus chuir Maois 'an céill do chloinn Israeil féisdean an Tighearna.

C A I B. XXIV.

A GUS labhair an Tighearna re Maois, ag ràdh,

2 Aithn do chloinn Israeil iad a thoirt a' t'ionnsuidh ola fìor-ghlan a' chroinn-olaidh, brùite air son an t-soluis, a thoirt air na lòchrain lasadh 'an còmhnuidh.

3 An taobh a muigh do bhrat na fianuis, ann am pàillion a' choi'-thionail, orduichidh Aaron e o fheasgar gu madainn, 'an làthair an Tighearna 'an còmhnuidh: *bithidh e* 'na reachd sìorruidh air feadh bhur ginealach.

4 Orduichidh e na lòchrain air a' choianleir fhìor-ghlan 'an làthair an Tighearna 'an còmhnuidh.

5 Agus gabhaidh tu plùr mìn, agus fuinidh tu dà bhreacaig dheug dheth: dà dheicheamh earrann bithidh ann an aon bhreacaig.

6 Agus fuinidh tu iad ann an dà fhreath, fè ann an freath, air a' bhòrd fhìor-ghlan 'an làthair an Tighearna.

7 Agus cuiridh tu tùis fhìor-ghlan air gach freath, a chum as gu'm bi i air an aran mar

chuireamheachan, *eadhon* tabhartas a bheirear suas le teine do'n Tighearna.

8 Gach aon là sabaid cuiridh e 'n ordugh e 'an làthair an Tighearna 'an còmhnuidh, *air a ghabhail* o chloinn Israeil le coicheangal sìorruidh.

9 Agus is le Aaron agus a mhic e, agus ithidh iad e 'an ionad naomha; oir *a ta* e ro-naomha dha, do thabhartas aibh an Tighearna a bheirear suas le teine, le reachd ^a bith-bhuan.

10 Agus chaidh mac ban-Israelich, aig an *robh* Eiphiteach 'na athair, a mach am measg chloinn Israeil: agus bha mac na ban-Israelich agus duine do Israel a comhstri' 'fa' champa.

11 Agus mhaslaich ^b mac na ban-Israelich ainm *an Tighearna*, agus mhallaich e: agus thug iad gu Maois e (agus *b'e* ainm a mhàthar Selomit, nighean Dhibri, do thréibh Dhan)

12 Agus chuir iad 'an làmh e, chum gu'n nochdtadh dhoibh inntinn an Tighearna.

13 Agus labhair an Tighearna re Maois, ag ràdh,

14 Thoir amach efan a mhallaich an taobh a muigh do'n champa, agus cuireadh iad an uile a chual' e an làmh air a cheann, agus clachadh an co-chruinneach uile e.

15 Agus labhraidh tu re cloinn Israeil, ag ràdh, Ge b'e neach a mhallaicheas a Dhi, giùlainidh e a pheacadh.

16 Agus efan a mhaslaicheas ainm an Tighearna, cuirear gu cinnteach gu bàs e; clachaidh gu deimhin an co-chruinneach uile e: an coigreach co math agus.

^a lagh, ordugh.

^b dh'ainmich. *Eabh.*

^c ann an gaintir, 'am prìosan.